

ЛЕНИНЪ

ВКП(б)-лэн УАССР-ысь Вавожской райономезлэн но райсоветлэн органы

1940 аре
понедельник
4 ноябре
№ 69 (601)
8-тй арзэ потэ

Удмуртия в 1940 году

Туннэ--4 ноябре Удмуртилэн автономиезлы XX ар тырме!

Удмуртилэн автономиезлы 20 ар

Туэ арын Удмуртской автономной области кылдытэмлы 20 ар тырме. Октябрьской Социалистической революциясь азьло Удмуртской кылык улйз царской Россиян помещичье - капиталистической властвлэн, интысь национальной буржуазилэн, кулак'ёслэн, духовенстволэн эксплуатацизы но национальной зыбетсы улын.

Октябрьской социалистической революциясь азьло Удмуртия аграрной бере кылем район вал. Промышленной предприятиос лйбесь но бжит вал.

Октябрьской социалистической революция бере гинэ, Ленино - Сталинской национальной политикалэн основаез вылын, Удмуртия но быдэс Советской Союзьсь калыкен чаш коммунистической общество лэстынны туж уно азинскон'ёс бастыз. Удмуртской республика алы сяскаяськысь индустриально-аграрной странеа пормиз. Али вань бадзымесь уно промышленной предприятиос, вань социалистической сельской хозяйство, вань подлинно социалистической калык культура.

Социалистической Удмуртия тужгес ик азылань мыйыз кык Сталинской пятiletкаослэн ар'ёсаз но куиньметй пятiletкалэн нырысетй ар'ёсаз. Промышленной производстволэн материально-технической базаез выжыеныз ик перестроить каремын. Вуж завод'ёс реконструировать каремын. Шонерак вераса, вуж личнесь завод'ёс интые кылдытэмын бадзым социалистической предприятиос.

Республикаенымы чаш ик годмантэм вошкиз асьме районмылэн но тусыз. Бастом, кылсарысь, таёе пример'ёс, что районны али трос лечебно-профилактической учреждениос-больницаос, амбулаториос, 11 фельдшерско-акушерской пункт'ёс но 25 трахоматозной пункт'ёс ужало. Здравоохраненилы расход'ёс али дырелы унолы будйзы.

Районамы 1917 арын 16 начальной школаос гинэ вал ке, али 24 начальной, 6 неполной средней школаос, одйг средней школа но одйг техникум усътэмын ни. Со сяна Водзимонской НСШ 1 январь азелы средней школае но К-Ключинской начальной школа НСШ-е пормытэмын луозы. 1940 аре гинэ интысь бюджетысь 1,208 миллион

коньдон просвещенилы быдтэмын луоз. Населенилэн грамотностез арысь-аре жутске.

Советской власть творчестволы но калыклэн талантэзлы жуткыны котькыёе луонлык'ёс кылдытйз. Та ар'ёс кусын будйзы районамы орденоносец'ёс Шишкина но Борисов, ВЛКСМ-лэн ОК-езлэн пленумезлэн членез-Сурчакова, пудо вордоннз стахановка Чернышева но трос мукет знатной мурт'ёс.

Кыдёке азылань вамыштыз асьмелэн сельской хозяйствомы. Ваньмыз сямен крестьянской хозяйствоос колхоз'ёсы огазеяськыса муз'ем ужалэсь продукцияз вылэ жутизы. Октябрьской Социалистической революциясь азьло тысё культураосты гектарысь 6-7 центнер бастызы ке, туэ арын тросэз колхоз'ёс 14-15 центнер басты ни. Колхоз'ёсы механизировать каремын передовой техникаен. Районамы организовать каремын 2 машинно-тракторной станциос, отын 99 трактор'ёс, 16 комбайн'ёс но мукет сложной машинаос. Колхоз'ёсын вань уно мукет сельскохозяйственной машинаос.

Арысь-аре умоя пудо вордон. Пудо лыдыз'я йылэ, землыкез'я умоя. Пудо вордон'я вань сямаскымон показательёсы. Тани, кылсарысь, Водзимонье колхозын котькуд парсылэсь 19 парсьпи бюджето. Таёе показательёс мукет колхоз'ёсын но трос.

Удмуртской калык зол огазеяськемын Ленинлэн-Сталинлэн партиез котыре. Рабочийёс, колхозник'ёс, интеллигенция социалистической строительствоын вань азинскем'ёсты бастызы большевик'ёслэн партизылэн кивалтэм улсаз, беспощадно разгромить карыса родинамылэсь изменник'ёсэ--империализмэсь троцкистско--бухаринской агент'ёсызлэсь но буржуазной националист'ёслэсь пужкар'ёссэс, куд'ёсыз туртско вал удмуртской калыкез берыктыны кулак'ёслэн, капиталист'ёслэн эксплоатацизылэн зйбет улаз.

Удмуртилэн автономиезлы 20 ар тырмонэз шудо удмуртской калык пумита Ленинлэн--Сталинлэн партиез котыре юн огазеяськыса, трудящойёслэн атайзылы другызылы, дышетйсьсылы великой Сталинлы тау каронэн тырмыса.

Азымынйсь колхозлэн кивалтйсьез

Парасковья Михайловна Сурчакова 4-тй арзэ вош'яськытэк кивалтэ Н-Бия сельсоветысь Петухово колхозэн. Колхоз бадзымесь азинскон'ёсты бастыны быгатйз берло ар'ёсы. Сурчакова эш умойёсыз колхоз председателёс пöлысь одйгез. Со 1939 аре ветлйз Всесоюзной сельскохозяйственной выставкае.

Парасковья Михайловна Сурчакова колхозлэн кодьмаласянь сямаскысь председателез. Азымынйсь колхозник'ёсын Сурчаков, Шубина, Логинова но мукет'ёсыныз огичин со бжит өз ужа со бордын, чтобы колхозник'ёслэсь улсизэс культурной но зажиточной карыны.

Колхозлэн хозяйствоез арысь-аре юлма но будэ. Туэ колхозник'ёс трудоденьзылы быдэн 4 килограмм ю тысь бастызы.

Урожай туэ арын бастэмын узыр--14--15 центнер

котькуд гектарысь. Сыёе урожай бастэмын 60 гектар вылысь. Алигес колхозник'ёслэн ог'я собранизы мултэс няньзэс 150 пудзэ государстволы вузаны решить кариз.

Озы ик колхоз мукет улысын но бадзымесь азинскон'ёсты возматйз. Сурчакова эш мылысь-кыдысь сямаске пудо-вордонэз бюджетон понна но. Быдэскын укомплектовать каремын ни молочно-товарной, парсь вордон, ыж вордон но тыло-бурдо вордон фермаос.

Сурчакова эш аслаз колхозысьтыз колхозник'ёс пöлын сяна, районысьтымы мукет'ёсаз но колхоз'ёсын бадзым авторитетэн пользоваться каре.

Сурчакова эш райсоветлэн депутатэз. Со ВЛКСМ-лэн XVI республиканской конференцияз быр'емын комсомоллэн обкомезлэн пленумезлэн членэныз.

К. Вас.

Н.-Юсь колхоз азымынйсьёслэн радазы

Лыстем сельсоветысь Н-Юсь колхоз азьло ар'ёсы туж бере кылылйз. Со жегатйз сельскохозяйственной уж'ёсты.

Туэ колхоз Удмуртилэн автономиезлы XX ар тырмонэз но Октябрьской социалистической революциясь XXIII годовщиназэ вань сельскохозяйственной уж'ёсты быдэстыса пумита. Дырылэсь азьло быдэстйз государство азын аслэсьтыз обязательствоосез. Али колхоз, государстволы 44 центнер вылйлыко качествоен етйн мертчан'сётыса, обязательствоэз

районысь котькуд колхоз'ёслэсь азывыл тырмытйз.

Етйн сэстон ужын но мукет'ёсаз уж'ёсын паськыт вöлмытэмын социалистической соревнование, агитационно-массовой уж. Етйн сэстоннын гинэ 3 номер бордгазет поттэмын. Котькуд нунал беседаос но газет'ёсыз шара лыдзон ортчылэ. Та ужын 8 стахановец'ёс будйзы.

Бадзым уж орчтытэмын общественной хозяйствоез юматон но паськытатон ласянь. Кылдытэмын нылье животноводческой фермаос. Ваньмыз соос тырмыт укомплектовать каремын.

Шмаков.

Райсоветлэн V сессиез

30 октябре райсоветлэн V очередной сессиез ортчиз. Животноводстволэн состояниез сярэсь докладэн Райзолэн старшой зоотехникез Васильев эш вераскыиз. Сессия пусйиз, что районысь данакез колхоз'ёс колхоз'ёсын общественной пудо вордонэз бюджетон сярэсь партилэн но пра-

вительстволэн постановлениез потэм бере уно азинскон'ёс бастызы. 15 толэзь орточем кусын районын 134 выль фермаос кылдытэмын. Унолы йылйз пудоослэн йырлыды. Таин чаш ик сессия та ужан участокын уно тырмытэосыз шараяз но азылане лэстыны уж'ёс пусйиз.

Тодмантэм луиз Вавож больницы

Мынам туннэ кадъ ик тодам лыктэ 1915 арлэн сйзбылэз, куке мон Вавож фельдшерен ужаны лыкты. Волостьлэн центраз больница туж пичи вал—20 койкаем гинэ, нош периферийной Водзимонской фельдшерской пункт фельдшер бвдлэн сэрэн ворсамын вал. Врач ой вал, ужаз одйг фельдшерца-акушерка но ротной фельдшер гинэ. Импералистической войналэн ар'ёсаз вблмизы сыпной тифлэн но испанкалэн эпидемиосыз. Куд-ог гурт'ёс быдэскын та висён'ёсын охватить каремын вал. Нош эпидемиосын нюр'яскон средствоос чик оз луылэ. Висисьёслы фельдшер'ёсын медицинской лечебной юрттэт гинэ сётиськылз, профилактика, дезинфекция, прививкаос но мукет бз лэстыльське.

Теоретической тодонлык бжытэн но лечебной но профилактической средствоос бвдлэн секит вал фельдшер'ёслы эпидемической висён'ёсын нюр'яскыны.

Но ар'ёс ортчизы, нуалмысь юнмаз Совет'ёслэн властысы и соку Вавожской районн здравоохранение естественно аслаз будонэлэн паськыт сюресаз сүлтйз.

Ленинградской мединститутэз быдтэм берам 1926 арысен мон ужаны кутски врач лунса, 1928 арын ужаны лыктэ врач Фирекель, 1930 арын—врач Жуйков В. И., вань партийной но советской общественностьлэн юрттэмзы улсын здравоохраненин ужасьёслы кылдйз бадзымесь азинскон'ёсты басьтыны. Пуктэмын виль поликлиника, куинь больничной корпус'ёс, районной аптека, кылдытэмын больничной подсобной хозяйство.

Удмуртилэсь автономиезлэсь 20 ар тырмонзэ но ве-

ликой Октябрьской социалистической революцилэсь 23 ар тырмонзэ Вавожской здравоохранение синмаськымонэсь азинскон'ёсын пумита. Районамы одйг больница ке вал, али кык ни. Соос зеч-зеч тупат'ямын. Али районамы кылдытэмын: 4 фельдшерской пункт, 5 родильной колхозной хатаос, 2 акушерской пункт, 22 трахоматозной пункт, поликлиника, вендиспансер, глазной врачебной пункт, вань детской консультация но, туберкулезной пункт, межрайонной санитарно-эпидемической пункт но детской яслиос.

Районной больница электрифицировать, радиофицировать, телефонизировать каремын. Солэн вань отделениосыз: хирургической, терапевтической, родильной, глазной но венерической. Татын ужало врач'ёс-специалист'ёс. Социально-бытовой висён'ёсын нюр'ясконлэн проблемаез разрешить каремын. Венерической висён'ёс вуттэмын почти нулэзь, нош трахома I но II стадиез быдтэмын, дышеткисьёс пблын трахомаен нюр'яскон йылпум'яске ини, призывник'ёс кыктэтй арзэ ни трахомаен армилэсь бз кыле, бзын ик отсрочка но бз басылэ. Эпидемической висён'ёс районамы бвдл. Туж унолы синтэмын пинал'ёслэн гужем кйт кылын висёнзы.

Советской врач'ёсын, здравоохраненилэн мастер'ёсыныз, Вавожской райбольницан лэстысьско сложноесь хирургической но глазной операциос. Здравоохраненин вань та бастэм азинскем'ёс бастэмын партилэн но правительстволэн калыклэн тазалыкез понна нуалмысь сюлмаськем улсазы.

Вавож райбольницалэн врачез П. Минеев.

Пудоосыз толйытыны сюлмаськыса дасясько

Брызгаловской сельсоветысь „Освобождение“ но „Энгельс“ колхоз'ёс, колхоз'ёсын общественной пудо вордонзэ бюджетон ужрад'ёс сярсь но сельскохозийственной продукт'ёсты дасян но басын политикаын воштиськон'ёс сярсь партилэн но правительстволэн решениоссы потэм бере, колхозын общественной пудоез вордонн синмаськымон азинскон'ёс бастйзы.

Та колхоз'ёс Удмуртилэн автономиезлы XX ар тырмон праздникэ ныль фермаос кылдытыса пумитало. Фермаос укомплектовать карыса тырмытэмын.

„Энгельс“ колхоз 1940 арлы пудолэсь йырлыдзэ бюджетон'я ог'ятупатэм планзэ мултэ-

сэн быдэстйз ни. Со та ар'ёсы РККА-лы 4 туж умой вал'ёс будэтйз. Та вал'ёсыз утилтон нимысьтыз ик умой пуктэмын. Соослэн тырлыксы туж умой. „Энгельс“ колхозлэн кивалтйсьёсыз шонер валазы, что государствоен пудо вордыны тупатэм план минимум гинэ, нош предел бвдл.

Бадзым уж лэстытэмын толалтэ азелы гид'ёс но пудо сион'ёс дасян'я. Пудоослы та колхоз'ёсын котькыче сион'ёс тырмыт дасямын. План'я силовосание быдэстэмын. Пудоос толалтэлы шунит но чылкыт гидэ пыро.

Та азинскон'ёсыз колхоз'ёс бастыны быгатйзы тыршыса ужаса но массово-раз'яснительной уез паськыт вблмытыса. **Логинов.**

Колхоз большевистской но колхозник'ёс зажиточноесь

Ср-Волковской сельсоветысь „Равенство“ колхоз—районысьтымы азьмынсь колхоз'ёс пблысь одйгез. Та берло ар'ёс кустын со уката но юнмаз. Та ар'ёс кустын колхозлэн хозяйствоез будйз. 400 тонналэсь ятыр ю тэрымон виль склад, пудо вордон гид'ёс но колхозлэн контораез улэ кык этаж'ем корка лэстытэмын. Гуртлэн шораз ик детясли усьтэмын. Бастэмын уно сельскохозийственной машинаос (етйн шуккон но сэстон машинаос, триер'ёс, тблйськон но мукет'ёссэ) курятник лэстыса быдэсме ини. Уноез колхозник'ёс асьсэлэсь улон коркаоссэз вильдылзы, нош куд-огез вильзэ пуктылзы.

Агрономиялэн бадзым юрттэт сэтэменыз колхозлэн юнмез но урод бз удалты. Котькуд гектар выльсь 12 центнер зег, 10 центнер йыды бастэмын. Озын ик мукет культураос'я но юнмез урод бвдл. Колхозник'ёс трудоденьзылы быдэ нянь 3 килограммлэсь уно бастозы.

Колхоз туэ 84 сюрс манет доход бастйз ни. Колхозын ныль фермаос: МТФ, СТФ, ОТФ, но тылобурдо вордон ферма. Со фермаосын 79 йыр скал'ёс, 37 ыж'ёс, 43 курег'ёс но 12 парсьёс ляд'яско. Парсь вордон ферма алигес гинэ кылдытэмын, соин ик отын парсьёс трос бвдл

на. Вань та фермаос колхозлы 18 сюрс манет доход сётйзы ни. Колхозлэн молочно-товарной фермаезлэн юрттэмез'я, колхозын скалтэм хозяйствоос бвдл ни.

Колхозной улон котькуд колхозницаез но колхозникез, егитсэ но пересьсэ честно ужаны дышетйз. Обухов Андрей М. куинь ар вискарытэк колхозлэн конюхез луыса ужа. Со аслэстыз ужзэ яратэ. Али со 12 вал'ёсты утилтэ. Вал'ёсыз котьку ик чылкытэсь луо. Со арлы быдэ 500—600 трудоденьлы ужа. Уноезлэн колхозник'ёслэн туэ трудоденьзы 350 пала вуэ ни. Черных Арсентийлэн семьяез 1040 трудодень ужаз ни. Виль ар вуытозь солэн семьяезлэн 1100 пала трудоденез луоз. Доход люкылон дыр'я та семья ог 150 пуд ёрос нянь бастоз.

Колхозник'ёслэн улонаны культура но зажиточность юн пычаз. Гожтэт тодйсьтэм'ёс та колхозын бвдл ни. Ожыт гожтэт тодйсьсэсь кбня ке вань на. Колхозник'ёслэн корка пушсы чылкыт. Укноосазы штораос ошылэмын, сад'ёс пуктылэмын. Котькудйзлэн кадъ яблокосыз, вишняез, эмезь пуосыз но мукет емышо сад'ёссы вань. Уноез колхозник'ёс 2—3 газет басто.

Б. В.

Синмаськымон уж

Удмуртилэн автономиезлэсь 20 ар тырмонзэ но Октябрьской Социалистической революцилэсь 23 ар тырмонзэ пудасян'я Гуляевской лесопункт синмаськымонэсь азинскон'ёс бастытыса озаменовать каре.

Октябрь толэзе постоянной ужась'ёс'я пу дасян план 135 процентлы быдэстэмын. Лесопунктын быгатйзы уез шонер рад'яны, ужась кужымез расставить карыны. Уноез ужасьёс нуаллы тупатэм нормазэс кык куинь пол мултэсэн быдэс'яло. Ужлэн производительностез шор лыдын вераса котькуд ужасьлы вуттэмын 7 кубометрозь, нормая 3,5 кубометра интые. Нюлэс коранын ужась М. Лобанов эш октябрь толэзьлэн нырысетй люкетаз нормая 12,5 кубометр дасян интые 28,3 норма сётйз. А. Широких но К. Широких эш'ёс быдэн 24 норма быдэстйзы. Соослэн уждунзы котькуд толэзе 800-ысен 1000 манетозь вуэ.

Асьсэлэсь бастэм обязательствозэс азинлыкы быдэс'яло валэн ужасьёс но. Жыныйезлэсь уноез пу ворттйсьёс—стахановец'ёс. Мухамедов эш октябрьлэн 15 число-

ез азелы 39 норма быдэстйз, Завялов—31 норма, Хобрелнов—32 норма, Димухамедов—29 норма но уно мукет'ёсыз. Азьмынсь коновозчик'ёслэн шор лыдын толэзьлы уждунзы 900—1000 манетозь вуэ.

Верано луэ, что лесопунктлы бадзым юрттэт сето колхоз'ёс, куд'ёсыз ас дыаз быдэс'яло договорзэс. Вавож сельсоветысь Кайшур колхоз IV кварталлэсь планзэ 52 процентлы быдэстйз ни. Нюлэс дасын умой ужа Б-Можга колхоз но. 17 мурт ужасьёс пблысь ваньмыз нормазэс 200—250 процентлы быдэс'яло.

Гуляевской лесопунктлэн коллективез юн, со яратэ аслэстыз ужзэ, техникаен умой овладевать каре но аязсылйсь уж'ёссэ азинлыкы быдэс'я. Та коллективлэн юрттэмез улсын лесопунктлы быгатоз быдтыны тырмытэосты но республикаын нюлэс дасын'я нырысетй радэ потыны.

А. Смердягин.

Врид. отв. редактора Ф. Васильев.